


傷科補要



〔清〕钱秀昌著

傷科補要

北京市中国书店

据千顷堂书局版影印

本丛书编委

主 编	李经纬	孙学威
编 委	王致谱	傅 芳
	郑金生	胡乃长
	仁春梅	

伤 科 补 要

北京市中国书店出版
北京市新华书店发行。 北京大中印刷厂印刷

787×1092 1/32 10.875印张
1986年11月第1版1986年11月第1次印刷
印数：0'001—6,000册
定 价：2.00元

序

良醫出而不患夭札醫書成
而可綿心傳病者賴醫而醫
者賴書以精其業術書詎不
重矣哉內科之書汗牛充棟

臨症時雖於肉裏能洞悉其形狀學者能再於枯
體上細細辨別更詳

一治傷制器具以輔手法之成功應用之器具亦繪
圖形使學者依樣立法

一週身名位骨圖甚多恐難熟記故錄其註釋會集
一篇學者誦而熟之則了然心目矣

一治傷須明其脉理與症合參庶不誤耳茲叙其畧
若要精微須詳脉訣

一三十六則參正骨心法之精義合平日試驗之真

誤著書者推闡精蘊各名其
家故其書層出而不窮發為
癰瘍者次之若傷也者由外
至其深淺重輕可按視而得
也為術或稍易焉書之不多

見其以是與余司民社有年
矣民健聞而訟聞而死者在
在有之每見垂斃人舁卧堦
下血糝糊氣息纔屬輒惻然
不忍亟視急呼醫蓋傷者死

剗毆者抵法孤其子寡其婦
兩家均焉幸而得全則兩家
賴焉當是時兩家之命懸於
醫或淺深重輕失其情投藥
違節醫之不良莫可挽救故

嘗亦思得其書以傳其精詣
之微妙上海精是者曰錢生
呈其書曰傷科補要余讀而
善之又以傷科書僅見而珍
之也嗟乎築室而不成者道

謀之誤之也習焉而不極者
多師之禁之也內科之書解
古說而如聚訟矣主其所見
矜其所得而執偏矣似是而
非熒學者之心目而惑之矣

讀之者非貫滙諸家參互其
義而擇之精辨之詳鮮不失
焉今傷科書不多見是書傳
而世得其濟也得無轉勝於
多書者與獨著而刪煩有是

而無非所謂得其要也肱三
折而後醫良蓋歷而試也非
歷而有所親得何能創說以
補古之所缺補而能要余尤
善之故欣然濡筆而爲之序

吾聞古醫者解顱理腦破腹
湔腸後立不可復得而余親
見折足者醫斷其骨而齊之
中接以楊木卧百日耳步履不
爽其恒豈古醫之奇者其遺

術在傷科與爲之穆然而思
然而忘親而閉狠者民風之
悍也馴悍而化之者有司之
責也彼儲玉札牛溲而察蚘
者吾見其書而求其人傷科

乎吾願而書之傳而祝而術
之無傳也

嘉慶己巳季春知上海縣事
長白山人鐵菴蘇昌阿撰



自序

神農嘗草木始知醫藥黃帝咨岐伯始制內經商周
之世伊尹湯液越人難經漢晉以來名家林列內外
方書汗牛充棟而傷科一法諸書雖載畧而不詳迨
我朝

高宗純皇帝

御纂醫宗金鑑無科不備獨于正骨一書昭垂心法縷
晰條分近世專家各執秘錄未及叅觀所以究其微
而析其衷者鮮焉余幼讀醫書乃其義理淵深未免

望洋之嘆欲就是科遍訪名家心傳未獲辛丑歲偶
折左膊得雨蒼楊夫子施治不日療痊因一時之痛
苦觸平昔之衷懷即受業于楊夫子之門始得接骨
入筋之法秘傳治傷之方叅以正骨心法之要旨屢
試屢驗乃嘆斯道之神而異也夫醫雖小道責任非
輕且是科之關係尤甚于他科凡人血氣方剛鮮知
自愛跌磕損傷固所不免甚或一時聞毆生死攸關
若斃一人即傷兩命傾家破產孤子寡妻目擊情形
心實憫之余故不辭工賤務窮其奧不揣固陋手輯